

حقوقی بیکسیر مجموعہ سی

آئندہ بر نشر اول نور

تکرار اخراج ایچونمی یوقسه ادخال ایچونمی کتیرمش بیله جکدر؛ انخاذایده جکی قراره کوره؛ سربست منطقه یه یاخود کمرک منطقه سنه مالی چیقاراجقدر. اونو تمایه لم که تاسیسی متصور مؤسسه، اخراجاتی تشجیه معطوفدر و بونده ده نام بر سربستی لازمدر. ماللری نره یه کونده جکلری بیلمه ین تجار فضله مصرفه تحمل ایتمه لیدر. فقط بو محذور غیر وارددر؛ زیرا مال صاحبی ماللری تکرار اخراج ایدیه جکمی یوقسه استهلاک محلی یه صرف ایدیه جک می پک اعلا بیلرلر.

ماللرک منشائی تعیین خصوصنده کمرک مداخله سی دخی پک آرزو ایدیلر شی دکلدور؛ سربست منطقه تماماً سربست اولمالیدر؛ اداره اورایه هیچ قاریشمالیدر. ایشته بز، ایشک پک اساسه کیرشمه دن بویه قوش باقیشیله مسئله یی ایضاح ایتمک ایسته دک؛ سربست منطقه لرعلینه درمیان ایدیلن فکرلری بیان ایله برابر اولری ردایده جک دلائلی سرد ایتمک. مقصد مز، بومهم مسئله حقیقه بر مناقشه علمیه یه یول آچقدر.

روزه لاوالت

JURISPRUDENCE

اجتهادات محاکمه

ازمیر برنجی حقوق محکمه سندن:

تاریخی
۱۶ تشرین ثانی ۱۳۲۶

اعلام نومروسی
۱۰۲۷

حادثه: مادام دره فقو لانک مادام پاندورایه اقراض ایله دیکی سکزیوز لیرایه مقابل ازمیرده قارشی یقده کائن ۱۳ نومرولو بر باب خانه دشته نامنه ترهین ایدلمش ایکن مذکور خانه سلانیک مبادلرندن مهرماه خانمه در دست تفویض بولونمشدر؛ بو ائشاده مذکور خانه نک حق رهنی حسیله، مزایده سنی طلب ایتمکندن مهرماه خانم دشته علینیه اقامه دعوی ایتمشدر.

محکمه جہ اوراق دعوی قرائت اولندقدن و دائرہ اجرادن بوابده کی دوسیه بالجلب
تدقیق ایدیلرک طرفین وکیللرینک ادعا و مدافعاتی استماع قیلندقدن صکره مدعیلردن
ابراہیم بیک رفیقہ سی مہرماہ خانمک سلائییک مبادللرندن اولمسی حسیلہ کندیسنه تخصیص
و معاملہ تفویضہ سی دردست بولنان قارش یقہدہ دونماچی محلہ سندہ استاسیون
میدانلغندہ کائن ۱۳ نومرولو خانہک مدعی علیہمادن مادام رفقولہ یہ مرہون بولونماسی
اعتباریلہ بوکرہ دائرہ اجراجہ موقع مزایدہ یہ وضع ایدلمش ایسہدہ والی ولایت طرفندن
دائرہ اجرایہ ارسال قلنان و اوراق اجرایہ میانده اولان ۵۵ تشرین اول ۹۲۶
تاریخ و $\frac{۲۶۹۷}{۱۱۶}$ نومرولو تذکرہ رسمیدہ سلائییک مبادللرندن مہرماہ خانمہ تخصیص و معاملہ
تفویضہ سی دردست اولان و آووقات آماو زوجہ سی مادام رفقولہ یہ مرہون بولنان
مذکور اون اوچ نومرولو خانہک قیمتی مقدار رهنہ نسبتاً بر قاج مثلی فوقندہ اولمسی
و متغیہ پاندورا ولد نیقولانک محل مذکورده اوچ نومرودہ مقید دیگر برخانہ سی موجود
بولونماسی اعتباریلہ ملککنندہ ترک ایتدیکی اموال و املاکنہ مقابل مدعیہ مہرماہ خانمہ
مبادل صورتیلہ تخصیص قلنان وینہ پاندورا ولد نیقولہ قادین نامندہ مقید بولنان مذکور
اون اوچ نومرولو خانہک فروختی حالندہ کرک مومی الیہا مہرماہ خانمک و کرکسہ خزینہ
ملیہک حقوقی خللدار اولہ جفندن دیگر اوچ نومرولو خانہک فروختی ییلدرلمسنہ و دائرہ
اجرا قانونک کندیسنه بخش ایتدیکی صلاحیت دائرہ سندہ محکمه اعلاماتی تنفیذہ و بوقیل
حکمہ احتیاج حاصل ایتمین مفروغ بہک فروختہ مأمور اولوب تبلیغات واقعہ یی اصفا
وظائف قانونیہ سی خارجندہ بولونماسی اعتباریلہ کندیسنہ جہ مرہونک غیری بولنان
مذکور اوچ نومرولو خانہک فروختہ امکان کورہ مدیکی نمایان اولسنہ و آنجق متغیلرک
اموال و املاکی حکومتہ انتقال ایتمی حسیلہ بوخصوصہ مدیون صفتی حائر اولان
حکومتک مجرد حقوق خزینہ و مدعیہ یی صیانت امرندہ دیگر اوچ نومرولو خانہک
صایلماسنی و مرہون بولونان اون اوچ نومرولو خانہک دخی مبادلک یدندہ قلمسی
تصویب و بو خصوصی تأمین امرندہ رسماً علاقہ دار اولدینی دائرہ اجرایہ مراجعت
ایتمی قانونک مدیونہ بخش ایتدیکی حقوق و صلاحیتی ایفادن غیری بر معنایہ محمول
اولاماسنہ و متغیلرک مرہون بولونان اموال غیر منقولہ لرندن ماعدا اموال و املاکنک
صایلماسنی مسئلہ سنہ کلنجه: بو خصوصی رهنک توثیقی صورتیلہ تأمین ایدلمش بریدندن
طولانی متغیلک اموالک صایلماسنی مبادلک و خزینہک حقوقہ مؤثر اولمسی و واضع

قانون طرفندن بو صورتله قید وضع ایدلسی حکامه احکام عمومیه ایله بخش ایدیلن صلاحیتک تحدیدی ماهیتی تضمن ایدمه جکنه و بناءً علیه قانون مدینک حاکم له بخش ایتدیکی صلاحیته استناداً کړک خزینۀ مالیه نک و کړکسه مبادل بولونان مدعیه ایله ومرتبه نک حقوقی درپیش ایدن محکمه ولایت عامه سی اعتباریله مرهونک غیری بولونان و مدیون بولونان خزینۀ مالیه نک طلبی تعلق ایدن مذکور اوچ نومرولو خانه نک دائره اجرا معرفتیه صابیلاروق اشبودینک تسویه سنی و دینک تمامی تسویه سنه قدرده مفروغ به خانه نک مرهونیتک ابقاسی و دینک تمامی تسویه سی حالده فکئی تجویز ایلسنه مبنی دائره اجرا معرفتیه مذکور اوچ نومرولو خانه صابیله رق دینک تمامی تسویه سندن صکره رهنک فکته و مصارف محاکمه نک مدعی علیها مادام رفقوله یه عائدیتنه قابل تمیز اولمق اوزره سا ۱۶ تشرین ثانی ۹۲۶ تاریخنده اکثریتله قرار ویریلوب اصولاً تفهیم قانندی .

[محکمه نک هانکی ماده قانونیه کوره اعطای حکم ایتدیکی کوروله یور؛ فی الواقع یکی قانون مدینک حکامه بویوک بر صلاحیت تقدیریه بخش ایتش ايسه ده بونکله حکامک هیچ بر ماده قانونیه نی نظر اعتباره آلمقسزین اعطای حکم ایدمه بیله جکلری معناسی اکلاشیله ماز ؛ قانون مدنی نک برنجی ماده سی اعطای حکم ایچون حاکمک استناد ایدمه جکی اساسلری درجه درجه کوستر مکده در ، وحق و نصف قواعدینه کوره حکم ایتک ایچون دخی ماده قانونیه نک بو وظیفه نی صراحة حاکمه ویرمش اولماسی لازمدر . مع هذا حکمک هیئت عمومیه سندن محکمه محترمه نک حسن نیت قاعده لرندن و یا خود حقک سوء استعمالی پره نسیندن الهام آلدیغی کبی بر معنا استشام ایدیلور سه ده بو قاعده لک دخی حادثیه وجه تطبیقی اکلاشیله مامقده در .

غ . ف]